

梧溪集附補遺二



梧溪集卷第四上

江陰王逢原吉

雲山萬重辭有引

雲山萬重者。廣平張民思親之所也。民侍父懋夫爲福寧時。承命還省祖塋。兵興道梗。莫克迎養。因扁是名於千山別業。以寓陟謁之懷。及福寧君歸。數年來而不忍易是扁。且徵福建省郎中魏郡秦景容氏。鋪釋其事。秦復爲民致書席帽山人王逢。以歌詩請逢辭曰。

雲山兮萬重。山與雲兮不期而同。膠輶軋芴兮夢寐或通。陟彼謁兮焉從。親奚在兮在閩王之故封。雲山兮千里。山與雲兮紆譎茈虜。干戈日尋兮日遠。滌瀣瞻彼旻兮曷已。親奚在兮在須女之遐鄙。始雲山兮越秦。茲雲山兮主賓。幸安全兮來歸。感孝念兮精純。鼎其櫛兮盤有鮮。松之陰兮干之下。嵐霏縈兮空翠晴。流素輝兮堪攬把。庶頤神兮葆年。寄丹衷兮騷雅。

白雲一塢辭有引

白雲一塢者。西域馬公文郁隨所寓之名也。公頤然蒼儼秀潤。嘗爲潁州。著廉斷聲。拜南御史。會亂遂變名雲林子。黃冠野服。超然物外。蓋十餘年矣。一日過海上。逢心知其賢。敬美是辭。辭曰。

白雲兮一塢。山之閒兮林之下。氣鬱積兮常素寒。黯流泉兮憺終古。塢之人兮土苴絨組。顧潛有鱗兮瞻

戢有羽。彼豪塵兮顛隲。茲含光兮延佇。諒觸石兮有心。龍之不來兮曷滂其雨。

山舟辭有引

山舟者。華亭千山周氏子鏞鎬。藏修之所也。鄉貢進士陸君宅之。首爲序。浙江提學魯君道源。次爲詩。規美至矣。延平總管秦景容氏。乃爲楚音。其言曰。人知兮山不可爲舟。曾不思水載地游。又曰。山有舟兮不可以濟。龍在野兮孰與治世。逢讀而感焉。因矯其意。復補一章。辭曰。

天有船兮在河漢。橋析木兮柁扶桑。乘剛風兮元氣。象大地兮川梁。君之舟兮虛器。川弗涉兮山是憩。林空人兮積水白。龍森寒兮來下戲。自非聖哲兮莫濟亂危。維德載義兮姑俟其時。高宗傳說兮遠而精誠。感格兮夢或見之。玉芝兮石髮。爛駢生兮海月。君採以遺兮慰我心渴。將送君析木之津兮扶桑之闕。

滌南草堂辭有引

滌南草堂者。予友葉生杞。釣游之所也。杞先世京口宦族。有別業淞之吳匯。大父鏐。父以清。咸隱居好義。杞讀書負材。謂前太史楊瑀守建德。辟掾。辭。兵興。會進士及第。李國鳳。經略南土。杞密陳時事十條。李嘉納所言。遙授進義副尉。鎮江路丹徒縣主簿。將別任之。而柄移藩鎮矣。杞築草堂魚鱗涇上。扁曰滌南。祕書卿貢師泰爲序。江西提學楊維禎。江浙副提學魯淵。爲歌詩。予擬楚音二章。辭曰。

苔碕兮蓬屋。魚鱗之滌兮一曲。渦盤兮泮洄。風舒徐兮水波縠。巾青天兮琴滄浪。招白鷗兮送黃鵠。匪濯吾纓兮匪濯吾足。懷賢其渴兮誓將心沃。

網屨兮布服。蓮葉其舟兮魚鱗其屋。雲淨兮天開。蘋白花兮草豐綠。何曲曲兮釣鉤。將恢恢兮網目。仁義是漁兮憺口腹。腹不人累兮人誰吾辱。

秋堂風露琴辭有引

至正己亥。得是琴於杭。名以表德。辭以寫志云耳。辭曰。

月明兮庭空。援琴兮堂中。耳濯濯兮冷風。風行兮涼度。月來兮堂昨。心湛湛兮零露。草綠歇兮鵲鳴。木黃落兮淙淙。兒築場兮婦葺筍。庶有享兮桑盛。

汎宅辭

滄浪兮獨客。自名其舟兮汎宅。身大地兮同浮。心靈源兮靡極。天高虛兮氣清灑。挹星月兮光上下。本不狎兮海鷗。素相違兮野馬。春一度兮桃花。醺漁蠻兮魚社。

將歸三首

梧桐生朝陽。鳳凰鳴高岡。嗟我羈旅人。彌年獨彷徨。非不善走趨。玉珮垂雙璫。君侯多車從。瞻者亦輝光。如何日同游。忽忽我鬢蒼。衡茅龍江上。兒耕妻蠶桑。夜來得家書。云當奉烝嘗。去去甘貧賤。茵露沾衣裳。盡歡非全交。去國難深名。中心默揆量。惟有歸爲榮。張翰不知幾。直待秋風生。陶潛懶束帶。千世莫與京。故邑變大荒。墳隧走狐蜮。徘徊久幕下。荷父得無情。天未厭亂離。且復寄傭耕。安得周處將。從之斬蛟鯨。金洗必以鹽。錦濯必以魚。越石無晏嬰。寧免厄道途。我生千載下。乃讀先秦書。既非今所貴。盍不賦遂初。

海鳥集魯門。風鶴退宋都。麻衣白鶴。青山繞吾廬。醉從接輿歌。醒學甯武愚。尙愛湖水清。臨別更躊躇。
馬大沙館舍。病後留別陳氏昆季三首。時己丑歲。

日腳浸深江。暮色先著樹。回風戀叢薄。幽響不覓駐。羈人臥齋館。憂鬱秋已度。十口江之南。一飯屢外顧。
冥冥烏領白。眇眇鶴髮素。夜久蛟龍移。沙洲莽煙霧。

開門風欲來。衆木斂寒色。蔓草緣歧路。零露秋向白。千金生感醢。斗祿疲形役。倏同草木腐。何有名教益。
參伐挂簷閒。絡緯秋四壁。兀坐燈復親。孤光委今夕。

天空無纖雲。銀漢鏡面瀉。芒星煜煜動。霜氣橫萬瓦。尋常恨伊威。蟋蟀北牖下。青焚樵爨火。黃落墮垠野。
絺綌淒以風。刀尺念當把。家山限一水。杭葦不待假。薄田庶有秋。雞酒會鄰社。

避亂綺山謁子方先生陸公墓

我經冷水灣。缺月照微服。景非度秦嶺。事類避同谷。松深間無煙。狐兔紛竄伏。隆隆四尺土。卷卷在東麓。
問是先生墳。感慨逾慟哭。洵書失歐陽。蕢對多馮宿。許韓兩蒼舊。許益之。韓明。善。二公。時論推鼎足。憶過先人廬。
白駒駐脩竹。周情與孔思。小子幸私淑。天回晨星稀。世亂烽火屬。心言采芳藻。中宵不盈掬。太元屬桓譚。
九歌繼宋玉。抱膝獨長眠。披榛忍南逐。

遊鯉山山舊名由里

鄉山三十三。遊鯉奠郊南。巖然獨高大。秀掄東諸嵐。土剛蓄炎精。厓仄削劍鐔。我嘗挹飛翠。遠在滄江潭。

波濤與伏興。雲霧相吐含。恍然穆王駕。八駿左右騁。又如琴高仙。腳踏朝蔚藍。久思更徽號。新喜遂幽探。太白賦九華。後來成美談。狂歌繼其武。林間免愧慚。春風綠瑤草。秋霜紅石楠。行將脩月斤。爲鑿避世龕。蛟龍正格鬪。鯢化誰其堪。

次鰕妾岸

朝辭鳳巢付。晚次鰕妾岸。起望大角閒。太白光有爛。方罹杜陵苦。未已崔旰亂。鬢毛掠蝙蝠。竹裏鳴鷓鴣。同曹迫憂悸。相視名錯喚。前途非樂土。殊昧賢達算。誰家繚崇垣。轆轤臥井幹。餘歌久悽惋。酣宴同清晏。寧知楚幕鳥。不寤吳宮燕。蕭晨理舟楫。回首重悲歎。

遊梁鴻山。簡孟伯茂巡檢及其子煥。

求田秦伯里。卜室梁鴻山。山雨微灑塵。清風滿柴關。竟夕上玉氣。破曉開蒼顏。樹合陰畏佳。磴緣石噴岢。桃花照春空。淥酒生紅欄。鶴辭瑤池苑。來遶青琅玕。本非神仙流。得盡霞外觀。故鄉久蕪穢。頭白終生還。當時歌五噫。聞者心鼻酸。晤言同遊士。伯鸞在人閒。

望大小貢二山

大貢如大人。小貢如小臣。大人方正笏。小臣亦垂紳。太湖七十山。而此我所珍。清淑萃閒氣。端厚凝風神。嶽露蓮一朵。海偃月半輪。遙分馬脊秀。近奪蛾眉真。岫幌敞素夕。雲蓋擁高晨。深容虎豹隱。幽絕狐兔鄰。將軍山名雖相望。邈若越與秦。我行柯村外。紫翠忽鮮新。不無靈異棲。飛渡招隱淪。淘淘白水波。杳杳清

路塵芳蓐被中泚。采之淚盈巾。父老昧鑒識。謂我諸侯賓。我豈諸侯賓。均是天王民。

同鄭本初基訪吳庠鄭明德教授元祐。俞叔鉉學正。鼎教授留飲齋中。是夕雪。因相與聯句。以記一時會。盍。

中吳泮宮古。廣文官舍敞。佩衿方休誦。蓬冠帶駢鞅。歲晏雲四合。祐雪暮霰交響。飛廉勢簸揚。基膝六影下上。汙邪畢潔淨。鼎塊軋周滌蕩。若將混端倪。逢無復別封壤。颯沓竹末俯。祐碑兀木本強。漏壺咽銅龍。基城堞臥素蟬。冰澌靜膠研。鼎顯氣深達。幌香乾芸散帙。逢味永蠶凍盎。擁褐肩獨聳。祐擊鉢技爭養。詩盟得寒郊。基茗飲失粗党。路迷梁園邈。鼎地去程門丈。殊憐跼驢背。逢頗快衣鶴氅。沈寥度郢曲。祐浩漾泛剡漿。流風注存心。基叔世入紆想。戍遙戰瘡苦。鼎野曠爪牙攘。好音懷鷗臯。逢怪物絕罔魎。願追文正躅。祐不辭慶歷黨。層臺度諸經。基真道擴羣枉。新知春蘭藹。鼎舊游曙星朗。謙虛側臯比。逢欲寡賤熊掌。張燈初筵秩。祐舉爵朋酒饗。黃羞登俎柑。基白薦作羹鯨。敍齒先一飯。鼎探錢罄餘帑。清宜禪僧分。逢瑞許賢守賞。螟蜥殄無類。祐來牟熟有像。陰襄天光發。基陽復履道長。高視吞八九。鼎獨立配參兩。幸敦君子交。再極尼丘仰。逢

青青孤生麻

青青孤生麻。不假蔭松柏。貞莖瘁蓬藿。物性還自直。汝州曹彥可。大字擅鄉國。蛟龍出笑談。雲煙溼牆壁。虜逼書旗號。怡然別親識。心正筆不回。骨冷血化碧。日落河岱迴。野史實我職。事傳秦太常。四座爲變色。

瓦全一時幸。玉碎千古惜。端人何地無。安得環轍跡。

葛虛中丹房雨坐。遲劉衷道士。

仙都十日雨。溼蒸致微疾。凭几問金丹。掃地焚蒼朮。蝸行亂草上。鸞隱嘉樹密。不見劉崇虛。蕭齋坐捫膝。

故禮部侍郎古括范公挽辭。

諱霖。字君澤。一字天碧。至治辛酉卒。年六十四。

鳳凰無凡雛。騏驎無凡駒。鳴岐與產渥。必待天人孚。侍郎唐相後。括譜遠通蘇。與文正公同系。甫辟服斬衰。

母孫訓以儒。長授父祕易。律歷百氏俱。宋亡邑弗靖。徒步謁峻都。元帥名。計聽魁就戮。田里釋千俘。世皇既

召見。神采動玉壺。賈晁不世遇。京管並駕驅。嘗謂國脩短。乃繫帝賢愚。暴虐亡嬴秦。仁義治有虞。衆貂製

裘帽。八珍繼醍醐。宮炬金鑄蓮。禁地青規蒲。恩光去天咫。所器嘉言謨。一薦十七人。乘遽將臨吳。夢母報

已歿。侵星戒歸途。抵閭如其夢。孝感驚妻孥。江南范秀才。名自九重呼。大用本天意。小史謂除編修。應時需。

鑿鑿正統論。歷歷編年圖。時相欲以本朝繼金爲正統。公言。金與宋中而前亡。不可繼也。媚者雖得沮。士儼古董狐。成宗御六飛。萬

象新洪爐。超遷五品貴。兩省垂範模。謂除江浙江。西提學。屣倒張珪中。丞手握徹理大夫。儀曹試經濟。政府匿瑾瑜。

遠引臥雲壑。獨潔辭潢汙。璽室客暮醉。鯉庭子謂公幼子成。朝趨笑命說三禮。備然竟長徂。北風日云涼。繞樹

莫匪鳥。屏營獸居野。盛德仰在予。旅貧均家財。兵亂全姊軀。何幸覽遺稿。追挽爲操觚。

故南臺治書侍御史劉公挽辭。

諱貞。字庭幹。晚號知止。辛丑年卒。七十三。

鄙夫昔避兵。船居虎丘畔。注懷臯伯通。受知劉公幹。賓禮甚倒屣。自享非大案。顧惟陋白茅。期以藉玉瓊。

于時屬州謂常熱陷守將病無算。挾分裁信宿。城破及黎旦。承佩都漕章。躬先于越竄。卻缺義救鄭。張耳尋

降漢。載紆東浙籌。不忝宗臣晏。朝廷簡助舊。省憲望改觀。始懲螻螻手。終如鼎脫絆。公嘗任浙東廉使。既除江浙參政。南

臺侍御。以病辭。隱居閩中。八閩佳游遨。花明天機段。慢峯露浸浥。劍水雨徐漫。決老歸善里。脩逝神不亂。惟公家

益都。先世彭城貫。冰檠操清苦。匡壁氣魁岸。故吏記石畫。列郡服山判。駸駸蕭曹業。咄咄顏柳翰。敝歷四

十年。進退符易象。幾多固名位。桎梏死獄犴。少挹賢達風。足免赧惡汗。青徐隴尙隔。霜霰物屢換。蓬深仲

蔚居。地冷中散鍛。安貧庶全生。酌酒重三歎。

故祕書卿宣城貢公挽辭。諱師泰。字泰甫。號玩齋。壬寅年卒。壽六十五。

公爲天使時。弭節大江北。上以祝帝釐。下以訪幽側。邦侯首予薦。遂命屏柴戟。身先匹夫禮。義重三生石。

君山視吹臺。酣游小八極。許廁文翰場。涵泳堯舜澤。興言及親老。臨別深惋惜。旣自中銓曹。復拜裏行職。

龍門競登進。牛衣方偃息。熒惑犯歲星。時公守平江。聞去民社責。予亦浮私屬。相望烽火隔。震澤定逾年。荐獲

展良覲。恩加喉舌地。柄總甌閩役。詩書化斥鹵。清慎奉王國。賤跡何足稱。嘗側丞相席。阮籍任放曠。邴原

病剛直。蠅驥信可依。鵬鷃各有適。豐城張華劍。柯亭蔡邕笛。此物甘棄材。志士感精識。青宮念師傅。宣室

思討益。不意圻中台。榮光冷東壁。南湖墓木拱。鹽海甥館闢。雲車從鸞馭。來往旌慘色。安得神降庭。銘碑

表先德。公嘗許撰先君庫使墓碣銘。

故遂昌先生鄭提學挽辭。諱元祐。字明德。以右臂疾左書。號尙左生。

處士星夜明。先生生處州。六經胸淹貫。百氏目漁蒐。筆繡絲五色。花樣從購求。器大晚始成。兩辟東諸侯。
謂太尉 塞予謝通顯。客隱琳宮幽。僂僂杖履聲。枉過話舊游。幼遷西湖學。淳祐餘前修。薌林平章廉竹樓
張公 閒。弦歌繼觥籌。甲科趙期頤。中書參政 負笈衣躬樞。偶覽姑蘇臺。遂成賈胡留。克莊廉使韓幣遠
左丞 兼善狀元 禮逾優。家立四壁寒。身視二頃秋。健兒俗尊貴。老儒時贅疣。而父我所銘。倘死思我酬。涼
日照銀杏風。鶴層雲頭。罷酒一笑別。仰俯歲忽周。起起鄭元邁。咄咄殷浩休。緬憶分教日。示橐雪燈籌。聯
軒孝義什。磊落數名流。梓行世未能。詩挽淚莫收。鬱鬱石門山。故隴曾祖克宗 西川經略使 阻且悠。
橘霜淨屋洞。劍虹光虎丘。好驂尚書千公 柳待制 柳公 轡。遠拉虞文靖 虞公 黃文獻 黃公 朝。超然地下樂。邈矣
塵中憂。

故江淮財賦府副總管致仕彰德路同知章公挽辭。諱元澤。字吉甫。晚號歸來翁。乙酉生八十五卒。

大盈合吳淞。古鎮夾龍鶴。二江名 公承郇國裔。宋文簡公 甲舍聯里落。十七職將命。謂首擢中書宣使 萬里同納約。
周王舊轍環。彷彿跡馬脚。稍遷和林部。爭識炎方鶚。區脫罷章程。留犁撓醴酪。煌煌日月衰。岩岩絲綸閣。
鳴鶯落花閒。及茲壯遊樂。書從親所至。每句輒應諾。丞相以孝聞。三命日舞躍。千艘賁滬瀆。別乘過鄉郭。
幟飛湖山雲。民蘇江淮瘼。庭闈累封郡。昆弟四儋爵。垂老告老歸。鞠脰奉如昨。五福世獨備。盛事天畀作。
義莊羅槩檜。豐宮麗丹雘。公建清忠書院 孤臣楊文載。慷慨生死託。故侯踵青門。耆英尙東洛。急促弦衆斷。貞
固金自若。憶予避地初。霖潦船久泊。曬書借場圃。田畯爲悚愕。感公遣使候。張具厚非薄。及見契一言。匣

劍砥礪鐔。不圖援葭莩。予妻。文簡公從父團練使文彬十一世從孫。遂忘羹藜藿。大兒娶甥女。兒接。娶任月公之甥。奠雁殊中雀。嗚呼公云亡。客淚澣素幙。河陽遠巡狩。海上掀颶鱷。房杜遺後悲。榮名挂寥廓。

故南臺侍御史周公挽辭。

諱伯瑞。字伯溫。號玉雪坡真逸。七十一卒。

周氏饒望族。自宋世德茂。鶴林臥麟岡。山脈萃芝秀。篤生侍御公。猶駢在天廡。襁抱器大父。

梅山先生。

青佩

齒國胄。諸經內淪浹。百氏旁研究。鸞鳳暫枳棲。鸞鸞尋羽籟。冰銜十職館。相府六衣繡。荐掌西曹兵。兩聽南垣漏。灤京侈篇翰。海嶽肅籩豆。太子端本時。古傳躬口授。遂致問龍寢。罔或爽雞候。江東遭亂去。吳下爲時救。非同使尉佗。常存諭廷湊。時將臣寓公。垂白竟拂袖。朝廷整風紀。堅志起不復。嘉魚兼蓴菰。小塢轟巖岫。短巾杖琅然。消搖幾心噉。齊雲樓始燬。承露盤既仆。新亭對泣暮。錦衣獨歸晝。祿賜無贏金。鄉飲惟醇酎。含淒歌黍離。委順正丘首。孔戣真伯仲。張綱孰先後。逢也楚狂人。頻年展良觀。拙詩序高文。家訓贊大籀。楷書河清頌。儼若臨九奏。興來赫曦賤。往往法急就。數謂麋鹿姿。合置文王囿。桑樞原憲貧。飯顆杜陵瘦。有懷感長笛。無才傳耆舊。玉雪梅花坡。寒盡想春透。脩脩豹尾車。昨夢過圭竇。朔庭煙草豐。靈其祐巡狩。

送丘阜之江東省大姑匡節婦。同上海廣福寺講主瑛。石壁南阜道院姚草樓外史賦。二詩附

船頭柳條碧。船底魚尾赤。寡姑斷徽音。老父同胞憶。父扶五尺藜。姑垂雙鬢絲。何況乳養恩。在子年齒時。子行爲姑壽。烏鰲期回首。毋使老萊衣。淹溼長干酒。

青絲驪色駒。秣陵慰長姑。姑孀三十年。於義母不殊。嚴君聽郎去。躬奉雙白苧。外表貞素姿。中紉離憂緒。姑感親親情。報之玉珮珩。遊子雅不好。前多狹邪道。右嘆賦

丘郎一幅布帆風。云省大姑江水東。仙家二月碧桃滿。人世幾回青草豐。練衣如霜鬢顏好。見姪身長念兄老。千里書還墨未乾。三茅峯高雲可掃。右姚賦

贈沈耕雲

佳士謝吏祿。心耕九山雲。雨餘暗流泉。石田上網罫。不與牛馬運。甘同麋鹿羣。千日酒春熟。黃鳥醉中聞。

題章鶴洲所藏瞿睿夫鈎勒蘭有引

睿夫名智。婁江人。博學善詩。以書法鈎勒蘭。尤妙絕。爲太史黃潛提學段天祐編修李孝先。外史張雨所友重。累遷文學官。攝紹興錄判。尋棄去云。

我夢陪羣仙。尻輪神爲馬。咀秀蒼梧岑。集芳洞庭野。水雲秋澹沔。月露夜清灑。畫者何如人。沖心良獨寫。

題虞奎章贈劉希孟先生琴序後有引

先生諱世賢。宋丞相忠肅公四世孫。中書舍人朔齋之曾孫也。先生承世家流風遺澤。以琴專門著稱。名公閒戊寅歲留江陰。數過家君。欲以平生所得意。御風騎氣二曲授逢。逢時篤志讀書。每告以授未晚也。今先生沒已久矣。竊嘗怪嵇康之廣陵散。斬而不傳。及瀕死方自悔責。先生斯二曲。蓋不在廣陵散下。推其盛心。賢於康遠矣。辛丑秋。先生之子伯容仲禮。會逢於雲閒。曹貞素故第。因謂先生過愛若

此伯仲忼然取琴爲奏前曲各一行且出奎章虞公琴序示之曰顧述序後爲來者美談逢述已復請詩詩曰

蕙靈日披猖章甫遂淪墜聯翩忠肅後相逢良深器英瑤出璚璫珠星見旒纓橫琴貞素館心神備遺世薄雲行蘭皋清露落松吹而翁久仙化難忘二曲義伏讀奎章文如坐變龍肆廣陵無遺響良冶有賢嗣尙愧柳柳州執筆先友記

山中詞四首贈鄧筠谷鍊師

溪風過微雨巖花裏幽芬不意數聲磬驚起半簷雲龍虎嚴守關天人眞與羣樂哉居山中木石符篆文山升月數尺水木弄妍光適來清冷風吹落沆瀣漿石上瑤草氣澗阿丹霞房猿鶴不我猜朗吟自成章碧寥含霜色石林散秋清羣峯金仙髻一瀑玉女璫樵牧煙外語雞犬雲中聲冥心採芝茹何辱復何榮五官謝紛拏萬象歸鴻濛烏鵲瑤水上兔浴暘谷中永卻斑白毛飛步玉雪童神功妙何測林壑遺清風元夕夏老園席上會全希言張如心沈伯脩諸葛彥飛蔣蕃分韻予得馬字

題竹石幽禽

華月照廣除春寒薄生野新歡念世離餘緒陶文雅簫歌竹葉裏顧影梅花下大笑市童癡風燈走人馬霜禽啄梅花片片亂香玉驚著乳鳩棲飛下琅玕竹畫得詩家妙物趣方兩足詩畫意俱忘閒庭草交綠席帽山先隴圖詩有引

山本黃山東峯之別名。距江陰城北六里。與馬鞍山相屬。曾祖昌誼先生。大父潛昭居士。大母徐氏。先君庫使妣李氏。諱靖真墓東西相望焉。至正乙未冬不肖逢不幸避亂於外。寢五年矣。顧烽煙遼隔。不得以時祭掃。因託江東提學雖陽朱澤民爲圖。浙江分省郎中天台陳基爲序。仍自賦一章。示兒掖。攝拊用永其孝思焉。

春林烏鳥啼。墓上開棠梨。清明寒食近。子孫各提攜。行行黃山道。山光明素縞。樹炙奠酒漿。羅泣紛拜掃。幸得緩緩歸。及此風日好。頻年喪亂苦。莫甚我鄉土。連村十萬戶。存者僅可數。石羊石馬羣。亦已臥榛莽。於乎我先塋。目斷魂魄聚。木落氣返根。天寒水歸源。豹死義首山。狐死首丘原。汝曹昧斯理。苟全奚足論。作歌興孝思。不繫圖畫存。

得五妹消息因寄一首

階庭玉蘭樹。開花屬春莫。雪豔曾幾何。風吹辭本處。玉蘭豈獨爾。有妹鍾陵去。生死誓同夫。路難不復顧。大江潮兩程。想到石頭城。團圓便是樂。貧賤莫關情。汝嫂目新暗。汝兄病猶嬰。鄉村文史二村名閒。菟裘庶其營。爲妹向夫道。歸農小山好。班超萬里封。燕頷非草草。

喜長女孟芸至

女兄相繼亡。女弟復異鄉。長女忽歸寧。庶寬離思腸。去年中吳園。錫城屹孤望。大勢臨叵測。薄命全彼蒼。二雛抱且攜。嫁餘素裙裳。淚添新啼痕。瘦減舊容光。爲父致桃荊。爲母具蘭湯。湯以沐香澤。荊以祓不祥。

五暑風送音。今朝春滿堂。彼美綠窗芸。蔓葉萃嚴霜。詎不欲終護。物性託東陽。良人固貧窶。老姑尙康強。桑青麥雲黃。燕燕雙回翔。

讀郭孝子傳傳附

堂構務崇基。士瞻務峨冠。文辭外風教。市娼街春妍。有宋郭孝子。負母亂兵閒。白刃加害母。懇拜淚漣漣。天地鑒素衷。里閭慶生還。相望橋梓蔭。各終樛櫟年。守臣上厥事。卹典遑所敦。章公老太史。心惻嘗筆援。迄今歷兩朝。讀之竦如存。浩浩元化流。忽忽世俗遷。機雀巧織巢。安知鳳孤鶩。興歌非爲郭。期與作者言。郭孝子名汴。字失其傳。臨江軍新淦縣人也。建炎閒。狄人深入。盜煽起。汴居縣東南五十里。盜卒至。劫汴母。責窖藏物。旣脅以火。加慘酷焉。汴泣告。願以身代。盜義而釋之。郡以聞。會行在務殷。卹典未遑也。汴歿。始有表其墓者。凡郊赦。縣令奉詔祠焉。慶元史官南郡章穎撰。

讀呂節婦傳傳附

德人言足徵。文人言多靡。緋桃豔陽花。冬青歲寒柢。孤藤萬歲名。所以松上倚。於乎呂節婦。喪亂全幼稚。馬不被二鞍。中心猶止水。長終復何言。見錄顏樂胡所居齋名。士士貞婦潔並。金婺光有煒。荒園雪久溼。敗竈煙稍起。呼兒讀遺傳。清風生頰齒。晚來興彌高。聊歌續貂尾。

節婦呂氏。婺州永康何順季長妻也。何爲郡著姓。呂氏名清。年二十九。季長逝去。有一子二女。子述。生甫三月。時江南寇盜充斥。人死兵戈者十七八。呂氏能保育其子若女。且全其家。人勸之再適。則自誓。

曰馬不被二鞍。況人乎。死而後已。聞者疑笑。後卒遂其初志。郡邑長吏文學博士。奉旨備醪餼。禮幣表其門。同里胡長孺撰。

讀貞燕記。有懷魯道原提學。記附。

天涯老孤臣。想像賦貞燕。空梁泥屢落。故渚自冰泮。影託明鏡鸞。夢接長門鴈。飛雲軒不歸。自語清商怨。元貞二年。雙燕巢於燕人柳湯佐之宅。一夕。家人以燈照燬。其雄驚墜。猫食之。雌彷徨悲鳴不已。朝夕守巢。哺諸雛成翼而去。明年。雌獨來。復巢其處。人視巢生二卵。疑其更偶。徐伺之。則抱獨之殼爾。自是春去秋來。凡六稔。觀者譁然。目爲貞燕云。長沙馮子振記。

義鄧

吾鄉有鄧添。千里負主骨。晨夜竄草閒。宛轉皆虜窟。胼胝苦何辭。性命閒一髮。日車昏盪禪。虹暈或抱月。魂氣相衝搪。烏獸亦猶狘。經過百戰地。青春暗消歇。深幸主有靈。全生及城闕。主母悲喜集。流淚心激越。主妾事他人。空庭自花發。主昔爲龍蛇。公論不可沒。但感衣食恩。疎戚均賞罰。在家爲義奴。在軍爲義卒。庶幾銜土烏。尙愧擊蛇鶻。淒淒荐霜露。哲哲上參伐。不見秦舞陽。悲風動天鉞。

贈黃將軍中。奉其故主將邁里古思判樞母夫人歸吳。分韻得煙字。時歲戊戌。

丈夫重知己。富貴浮雲然。壯君仗公義。歌詠擬古先。報仇韓張良。卻敵齊魯連。昨者邁判院。樹羽塗山顛。三苗喪精魄。萬民歸陶甄。斬馬柳鄂州。餉客郭通泉。外蕃久側目。臺諫實搯咽。長城乃自壞。白氣貫南天。

君輒討有罪。鴟鵂厭腥羶。賊圍亦潰散。畏君親披堅。黃金雙佩刀。福禍劃回旋。挂之祖道左。泣挽士五千。梅花映素衣。獨上東吳船。念彼鶴髮母。哭兒螢檠前。萱草暮晷迫。薤葉春露懸。豈無一犁牛。躬耕石湖田。日惟勸加餐。樂以卒歲年。今茲喪亂際。俗壞教益廢。式瞻偉事業。前後何其賢。大澤冰已泮。舟蛟弄珠蠙。我幸攬餘光。校讎圯上篇。贈君當載馳。爲國靖烽煙。

上黨有寡婦時後至元二年

上黨有寡婦。秉心義且貞。誓不暴夫惡。甘受殺夫名。頻年困縲紲。五府來公卿。惟中李柱史。哀矜得衷情。剖棺重驗屍。胸骨金珥橫。故主認失物。茂宰崇門旌。太行脊中原。黃河流元精。仁風慶雲被。麟萃芝羅生。地秀鍾靈儀。四方揚頌聲。逾人儻鳴鐸。好自姚都城。

排難行贈王子中

相如全趙璧。子敬存家氈。臣子奉君父。由來義當然。我爲排難行。期播今後賢。至正十六載。楚氛蔽吳天。南臺塔御史。盡室方顛連。風波萍浮寄。墟落匏孤懸。內無虵蜉援。外絕鴻鴈傳。縮地漫勞想。拔宅欲假仙。形勢轉倉皇。一日猶三年。君聞急友義。側身入烽煙。得子猛虎穴。摘珠驪龍淵。菱花奩影合。桂樹月魄圓。青青驄馬駒。環珥映後先。相看喜至骨。欲語翻淚漣。報之錦繡段。長謝賦歸田。遂令雞鳴客。遠愧齊魯連。我時載茶具。蕩漾五湖船。蕭蕭春陰暮。載歌伐木篇。

弟子篇贈張大椿伯陽